

國朝宮史續編

國朝宮史續編卷之十五

典禮九

盛典九

皇太后聖壽元旦冬至三大節慶賀儀

臣等謹按前編自乾隆六年迄二十六年

聖母皇太后五旬六旬七旬聖壽臚承

歡諸儀備舉逮三十六年恭際

聖壽八旬

高宗純皇帝以

子帝之耆齡奉

憲闡之曼壽爰承

懿旨於禮儀稠疊之中

恩勤愛護搏節以時尤微

慈

孝並彰

德福隆備謹依前編登載祝

釐樂章及

聖製頌詩用著

壽康聖典至若元會班朝履長申慶所有四十二年

中舉行事宜恭摺

實錄以次備書

乾隆二十七年正月元旦

上於御殿前率王以下文武大臣詣

皇太后宮行慶賀禮

儀具前編

至四十二年皆如之十一

月冬至次日遵

懿旨免行禮至二十九年皆如之是月二十五日癸

未

聖母皇太后聖壽節行禮如常儀

儀具前編

至三十五年

皆如之是年內閣通政司衙門奏各省督撫

慶賀

皇太后本章面頁用黃綾黃簽恭遇

聖壽節賀本面簽應敬書

徽號奉

旨允行 三十年十一月冬至次日

上率王以下文武大臣詣

皇太后宮行禮

儀具前編

三十一年十一月冬至次日

遵

懿旨先行禮至四十一年皆如之 三十四年十一

月三十日軍機大臣等議奏向例慶賀之期
福晉命婦均應齊集行禮現多有不到者嗣
後凡遇慶賀例應行禮之命婦等令其由該
旗咨報禮部於年終彙查除實有事故外其
三次不到者交部照本職齊集不到之例察
議得

旨依議但大臣命婦諒非敢違例不到或因無朝服
所致著加恩交內務府製備朝衣二十分其

品秩較崇者不准給領若副都統內閣學士
及子男命婦如無朝服者臨期行禮准其服
用嗣後倘仍託故不到即照例查議 三十

六年十一月

聖母皇太后八旬聖壽節先期甲寅大學士由內閣
奉奏書出陳設綵亭上華蓋御仗前導導仰
樂作內閣禮部官前引大學士學士禮部堂
官隨引至暢春園宮外樂止大學士奉奏書

入至

九經三事殿置正中黃案上內監總管恭奉奏書詣
皇太后宮陳設

上禮服詣暢春園恭進

皇太后崇上

徽號奏書

卷

奏書恭
冊專儀 我前丙辰

上自暢春園奉

皇太后御輦

上龍袍衮服乘騎前導三班九老王公宗室滿漢大

武大臣庶官在京文武外吏以及各大臣命

婦並在籍紳士老氏老婦等各於恭祝

萬壽亭前依次跪迎奉

懿旨頒賚各有差

皇太后駕還

壽康宮午刻

上禮服御太和殿恭閱

冊寶率王公大臣詣

慈寧宮恭上

獻號進

冊寶行禮如儀儀具前編後卷冊文
冊寶門 丁巳

上奉

皇太后於壽安宮侍膳至乙丑皆如之庚申

賜三班九老宴遊香山命畫工父啟蒙繪圖

御題九老會詩詩恭載聖製卷內辛酉

聖壽節

上詣

壽康宮行慶賀禮王大臣於

慈寧門庶官於

午門行禮

上製

鴻稱積慶頌書屏恭進頌恭
聖製是日

上奉

皇太后於壽安宮侍早膳

慈寧宮侍宴

上捧進御題玉蟠桃綵衣

躬舞捧觴上

壽

諸皇子皇孫皇曾孫頤駙以次進舞禮成

頌恩詔中外

臣等謹案前編於乾隆二十四年恭遇

聖母皇太后聖壽又值平定回部另撰樂章登載卷
內茲三十六年恭際

聖壽八旬樂章亦經另撰謹依例載入用昭禮備樂
隆之盛

聖母皇太后八旬聖壽樂章

聖母萬萬歲既壽而康

皇帝逾六旬孝治彌光網緝化宇兮太和洽翔諸福

畢至兮純嘏爾常

右第一章

重光冒卯歲序新

萬壽八秩啟令辰景祐自茲以永慶日引而日申

右第二章

第二章

皇帝舞綵

聖母燕喜協氣充周福祿萃止

右第三章

璇宮丹雘新增

卿雲糾縵交凝瑞符翕集如松柏之茂承

右第四章

第四章

奉

安輿以時邁迺西至於岱宗陟喬嶽而行禮百神衛

佑咸來從

右第五章

普陀肇靈刹宗乘宣祝延

慈釐羣藩諸部長咸來膜拜瞻威儀

右第六章

敷天合歡

忭共球萬邦獻

玉冊揚徽稱輝煌晉

萱殿

右第七章

慶筵樂備孫曾效舞成文協節嘏詞迭舉

右第八章壽如南山崇福如瀛海廣運會起邳隆

右第九章亘古寶無兩右第十章振振繩繩樂合飴搏搏總

總福履綏捧進如意肩相隨同祝

聖壽徵攸宜

右第十一章

金門誥蕩開綵仗琴麗陳羣工忭

賀莫不尊親

右第十八章

八方大平日負載來紛

闕僉曰盛哉乎斯世惟申慶於萬年

右第十九章

湛恩汪濊中外禔福臣庶戴德久而彌篤

右

第十三章鴻化迪矣昭烏奕矣羣黎百姓洽教澤

矣

右第十四章

慈訓式於九圍維

聖母之貽釀膏浹無外勿替引令祺

右第十五章

歲功屢

告豐稔五風十雨兆祥荷

昊穹兮錫佑協

皇心兮降康

右第十
六章

遠藩內面誠殷土爾扈特願歸

我幅員率戶口以數萬計呼嵩鞠踟來如雲

右第十

七章

慈顏有喜安以愉德洋恩普周寰區純麻永永慶那

居億萬斯年樂于胥

右第十
八章

三十七年十一月禮部奏本月二十五日

皇太后聖壽節二十七日長至恭屆

南郊大祀已入齋戒期內所有慶賀典禮請先期於

二十二日舉行得

旨是癸丑奉

諭旨奉

皇太后懿旨向來每遇慶典令節皇帝詣慈寧宮朝
賀至永康左門外即降輿步入今皇帝春秋已逾
六旬雖氣體強健精力如常而禮數過勞之處亦
宜隨事搏節嗣後遇元旦行禮在慈寧門東階下
降輿萬壽行禮在慈寧門西階下降輿並就門旁
著內監設便坐以資小憩以示憚憚愛護之意欽
此朕欽承

慈命敢不祇遵著傳諭各該衙門載入儀注敬謹遵
照

高宗純皇帝聖製文

恭祝

聖母皇太后八旬萬壽

鴻稱積慶頌

謹序

臣聞思齊顯德徽乃播音繁祉介眉慶宜歌頌惟
天保之福孔固以莫不增由嘉樂之佑自申必得
其壽余萬萬而推軒紀旋八八以暢伶筦列纂組

以成文效臺萊而稱祝恭惟

聖母崇慶慈宣康惠敦和裕壽純禧恭懿安祺皇太后階下承天資始欽福用敷覩摯纘革駕似任之毓粹膺原正域本源簡之儲祥俾

壽而臧昭

德之致日星以為紀歲以為量惟曰至于萬年子孫其逢吉

身其康彊推而放諸四海茲者苞符

介祉圖筮

衍視並悠久於兩儀屈延洪之

八表年符丕冒運際悉新月陽則庚兆大橫日德則

酉占留熟駢彰

壽牒疊奉嘏詞賦沿古詩之流

五旬倣啟頌集羣經之液

六甲環週泊乎

七十萬壽之年祥呈合璧爰有六十三章之作醴演

聯珠爾乃吉祚大來熙臺共上屯豐濛汜晦服紈

牛阜遠渥洼道通鱣馬耕有餘者三九扇景獲甘

蠲惟正者萬千鏐祖漕糈三依

綵鷁標水誌以恬澗四奉

和鸞漲沙壘而鞏軸接析津之星次海近添籌寫岱
嶽之真形山基積壽廣途銓士彙吉第茹特榜興
賢作人棧樸槐街鄉祿越百歲以扶鳩棘院耆儒
錫乙科而鳴鹿門旌人瑞翁溫齊登書授民時義
和增錄凡皆寅循

慈訓九垓布大順之庥實惟申錫

景禧六幕蒸太和之氣况復

純嘏彌厚哉穀蟹宜秉

莊敬以日強茂

養恬之時引

松齋留想

頤凝性以加康蘭塞迴瞻喜

和神之益健

膝前子帝

蔭越六旬庭下孫曾支蕃五世負黼屨而臻三紀萃

寒瀛以奉

一尊愛日方升

春暉久煦每當嘉辰令節宴侍

顏和荷承

溫語之有加

謂可禮文之從簡言不稱老敢舒鞠脆之虔命滋益

恭彌載

思勤之德且夫高堂華髮競羨萱榮前席綵衣艷稱
萊戲適大年之眠食事美含飴羅問旦之兒孫人
夸點頷此在一門有喜便成家慶之圖矧乃六合

同春罕覩史書所紀予小子並受其

福故能以孝事

親我

聖母長發其祥是謂承

天之祐慶逢祝

嘏忻展呼

蒿敬都福之庭

璇宮賁采崇歸善之典

瓊冊肇尊寶甕八鴻春盈瑞露金函四果

壽普慈雲擊壤聽歌料衛稱竿筐篚備陳庭之寶絲
綸宣

錫類之恩嘉予九有臣民共茲大慶外遠四裔君長
莫不來同盛禮成昭上儀具舉躋一世於仁壽無
疆惟麻合萬國之歡心有秩斯祐臣愉殷酌斗牂
溢循陔十六字義釋

鴻稱億萬年詞申燕喜結纏綿之至性緒倍抽絲
遊
曼羨之

貞齡繡微添線鸞玦八疊王母歌

介壽之章雲錦七襄天孫獻

長生之錄兆綏

洪算載晉長言作頌曰

昊緯凝命誕界我大清累洽重熙率俾絃濩厚載先
大至哉

坤元登虹附樞豈毓祥源肆台小子依

暉即阼尊以

聖母養以天下叶樹

德孔峻納祿式固夏乎煒而三五靡並

萬福來崇

一人有慶

右
慶第一
章
崇

維

聖母之慈以篤藐躬鞠育顧復自我童蒙六十年于
慈與日俱長叶尚迪

懿訓聿臻大同夙興

瓊闈其曷敢不宵衣分甘

頤席其曷敢不肝食叶覆哉負康惟日孜孜佐

歡適

豫頌副

翼貽宣昭中外維

聖母之慈

右
宣第二
章
慈

鴻化奕奕

德音洋洋亦既康止匪居匪康掖

輦行慶以巡四方壽相臺懷天中嵩洛齊魯東奄吳

越南宅叶陪京旬服及河喬嶽

惠綏萬民慶賞乃作

睿顧以懌而康而安

湛恩既中祝頌闐歎

右 康
惠 第三章

安土敦仁坤輿廣生理大物博藩廡盈寧秋弛輸結
夏貸稅畝藏富在民財可以阜敷逾千萬

推澤敦厚朝陽翹羽中沚菁莪有孝有德式舞且歌

以和召和乃大和會調幕登臺兆民永賴

右 敦
和 第四章

邛福垂裕裕乃以民寧長之養之堪堪羣生遊於

化宇皇之人多壽其爾有位國之耆耇或祿成均或
績賢書或偕期頤綽楔表閭三元甲子循環遞嬗維

臣庶介

楚維

聖母錫羨合萬萬人奉萬萬算

右
壽
第
五
章
裕

猗歟

純禧同天所素昔定武功粵晉

大號久底教學文同五譯馬貢龍駮雁臣玉帛戊巳

告豐畋田宅宅一尉一候誕受方國維

德之純膺

禧單厚遠至二萬里奔走恐後自痕都以東咸徠獻

壽

右
禧
第
六
章
純

周銘有言惟恭則壽昭哉

聖母徽柔是篤叶課晴問雨

心勤占農率作蠶事分繭稱絲效功

暢春祁幄

壽康華宮

端居慎勤示槩表冲恪秉

淵懿克勤克儉彼哉明德徒飾衣練彤史書型莫窮

紀撰

右總第七章

全德胥彰

顯名丕揚第祿多益

慶辰迎長儀備禮洽異典何加措

冊

東朝隆以苔華

令善高厚莫贊一詞吉語臚實上祝

安祺其

安維何如彼南山其

祺維何福海大環引申繼續京垓

紀年

右
祺第八
章安

高宗純皇帝聖製詩

冬至月二十五日

聖母皇太后八旬大慶慈寧宮行禮喜成長什

辛卯

璿冊新鐫薦

懿稱茶衣晉舞率孫曾以天下養慶儀備

居五福先繁祉膺

名壽都緣大德得

康強欣共介齡增六旬帝子

八旬母史策誰曾此曾

詠蟠桃玉石子

辛卯

和閩玉河產玉久水精土氣侵尋受出亦待時非凡
偶。

豈聞茲值八旬壽地不受寶呈瓊玖一顆形似綏山
有暈霞含赤如中酒三千歲熟雙成取崑崙致獻西
王母億萬斯年祝

曼考

九老會詩

有序 辛卯

徵會昌之盛事祝

釐曾頌叶作朋繼辛巳之鴻儀增美仍序偕尚齒茲

屆

慈闈八旬萬壽復得香山九老三班秩文武之崇階
頌以宗藩矍鑠列林泉之耆碩遂其嘉會道遙合
廿七人之歲月多多積策而

延洪若券卜萬億年之

升恒永永依旬而紀瑞如環

紫洽重熙欣符

景運載賡作繪具有成規用倡長言更期遞舉

九老三班前例曾十年一舉

介釐增

八旬慶溯

七旬典辛卯祥開辛丑徵盱食宵衣猶此佐

右二王
七文臣

共六百八十八歲 啟疆拓宇底須能

右武臣九人共
六百八十五歲 優游林

下同來賀

右致士九人共
七百二十九歲

萬壽稱觴合作朋

皇太后聖壽節慈寧宮行禮是日雪即事成什

壬辰

值齋慶典例移前

今年冬至在月之廿七日
即應政齋因預於廿

聖

二日行慶祝禮節步新叨

恩諭宣

今向遇朝賀行

禮例於

朕年逾六旬雖精力強

健亦宜隨時撙節

萬壽節

命削後元旦於慈寧門東階下降與並就門旁預

設使座以資小憩

敬率羣公趨

鳳闕恰逢六出降瑤田瓦溝積素連祥色樹杪懸英
引瑞煙駢疊

天庥何以荷愛民勤政益乾乾

臣等恭輯

冊尊

皇太后儀並及

冊尊

太妃之禮伏讀

聖製詩集有

溫惠皇貴太妃八句

皇貴裕太妃九句壽詩謹依前卷之例以次登載

高宗純皇帝聖製詩

恭祝

溫惠皇貴太妃八句千秋 壬午

椒塗連歲慶筵頻五世孫曾共燕中

八秩鴻禧初啟節

三宮眉壽最高人芳榭早見盈彤史淑氣時方麗小
春每憶

堯年承春日推

恩推教出情真

恭祝

皇貴裕太妃九旬壽

戊戌

令辰正值一陽旋遐算堪徵幾度絲百載

宮闈固多慶

九旬介壽此初傳

宮中太妃等曾慶七旬八旬者今有之若九旬則此為初見云

而視

昔寧無爾忻以為悽合有然強笑不妨作慰語莫須

更憶曩隨肩

太妃為吾弟和親王生母也

國朝宮史續編卷之十六

典禮十

盛典十

太上皇帝萬壽元旦冬至三大節慶賀儀

臣等謹恭尊親之至莫大乎以天下養漢展
未央之儀唐舉興慶之典宋於德壽宮上壽
雖極一時奉養之文畧有紀載而作述無闕
其事不足以飾千古欽惟我

皇上道繼傳中

暨承備養自丙辰

受璽閣丁巳戊午於元日朝正恭奉

太上皇帝御太和殿己未

御乾清宮

躬率王公大臣官員暨藩部使臣等宣表稱賀仰
乾行久照之規行

軒蘇恒春之筭禮隆曠代慶洽上儀恭屆

萬萬壽節每歲咸奉

蹕山莊

躬率扈從王公大臣官員暨蒙古王公台吉等行

慶賀禮臚忱中外效祝

升恆敬紀

宸章以昭

熙代承

歡茂典

正月元日鑿儀衛陳

法駕鹵簿於

太和殿前步輦於

太和門外五輅及馴象仗馬均於

午門外樂部設中和韶樂於

太和殿檐下丹陛大樂於

太和門內恭設

皇上拜褥於

太和殿檻內正中設表案於

太和殿內東楹次禮部官捧進賀

太上皇帝表文恭陳案上鴻臚寺官引和碩親王以

下入八分公以上在丹陛上文武各官在丹

墀內各外藩使臣等於西班末均按班排立

禮部堂官奏請

皇上具禮服於

保和殿暖閣祇候屆時奏請

太上皇帝乘輿出宮至

太和殿後降輿

太上皇帝御太和殿中和韶樂作奏元平之章

太上皇帝升座

皇帝於殿內東楹立西向鑿儀衛官贊鳴鞭階下

鳴鞭三鳴贊官贊排班丹陛大樂作奏慶平

之章

皇上就拜位北向是時鴻臚寺官引王以上文武
各官暨藩外使臣等東西排班立鳴贊官贊
進跪

皇上率王以下衆官暨外藩使臣等行三跪九叩
禮畢

皇上旋位立王以下衆官暨外藩使臣等皆退復
班次樂止鑾儀衛官贊鳴鞭階下鳴鞭三中
和韶樂作奏和平之章以上樂章皆於前卷

授

受儀

恭
穀

太上皇帝啟座乘輿還宮先是宮殿監設中和韶樂
於

乾清宮檐下丹陛大樂於

乾清門內屆時奏請

太上皇帝御內殿受賀 嘉慶元年正月元旦行
授寶禮於太和殿

皇上率王公大臣官員蒙古王公台吉各外藩使
臣等進表行慶賀禮 二年正月元旦

皇上奉

太上皇帝御太和殿

躬率王公大臣官員蒙古王公台吉各外藩使臣
等進表行慶賀禮三年如之 四年正月元

旦

皇上奉

太上皇帝御乾清宮受賀

皇上御製詩

萬萬壽節率王公大臣等行慶賀禮恭紀

丙辰

肇建山莊辛卯年

壽同無量慶因緣

康熙辛卯肇建山莊
是年誕生瑞啟苞符山徵
皇及以

壽京瑛德祿

結算猶堪以
浩官奕祺此中因緣不可思議
麗丁酉極珠璣

見

御丙北辰花甲璇玉殿輝煌騰瑞旭金鑪韻郁象祥

煙子臣敬獻升恒祝

康健純常億祺綿

萬萬壽節率王公大臣等行慶賀禮恭紀 丁巳

長春寶祚綿悠久拜祝山莊都福慶合萬方歡萃愛

敬以天下

養式儀型

敬惟

建亦適成

宜足以辛卯歲誕生而

山莊之

祚御極以來又

安海

寓兆性胥蒙景福茲子臣

隨侍山莊恭逢

天

養遠適歡騰悠久

九旬笑行東瀛海八月書祥南極星欽感

吳恩錫

康健升恒環轉永延齡

萬萬壽節率王公大臣等行慶賀禮恭紀

戊午

山莊行慶例年年感沐

昊恩

福壽全六代來孫將統

勝

九旬太上孰齊肩

皇受派承
臻年躋八十有八

吳番諸福備

尊為

太上宣帝日勤

訓政實自古所

未有且家康駢蕃本支繁衍元

孫歲錫今春已

成婚禮即可冀得來孫之喜後

年恭慶
慈願尤為火冊

旬萬萬壽一堂六代娛侍
布有盛事
欣祝彌增

德兼四得不自

聖心凜三無益敬

天合宇宙歡祝

純嘏綵衣行舞率班聯

國朝宮史續編卷之十七

典禮十一 盛典十一

冊立

皇太子儀

臣等恭摺

授

受儀詳釋節次所奉

聖諭並

聖製各篇每以立儲為宗祏大計今古異宜凡往牒

臨軒出閣之文概可弗舉計自乾隆癸巳

聖志先定而辰告未宣逮乙卯紀元周甲然後

詔示大廷

冊建儲位實不泥古而仍寓法古之深心也謹輯

聖製

御製詩並列

冊立

皇太子儀而以廷臣集議各條附焉

乾隆六十年乙卯九月初三日辛亥

上於圓明園

御勤政殿聽政之期

召諸皇子皇孫內外王公大臣等宣示

冊立

皇太子並下廷臣敬議

冊立後儀制典禮

聖諭恭載前卷
授受儀

九月初五日軍機大臣遵

旨恭議

皇太子祇謁

兩陵儀注請詠吉於本月十二日啟程二十六日回
京乘用車轎遵

旨俱用金黃色於奉

旨派出領侍衛內大臣內詣達隨往外擬派禮部堂
官一員護軍統領一員總管內務府大臣一
員散秩大臣二員詹事府堂官一員

乾清門侍衛四員前虎鎗三對後豹尾鎗八桿
共用侍衛三十員其內務府武備院上駟院
及茶膳房各該處應行隨從官員兵丁請照

皇子高例增添至該地方官迎送豫備之處
遵

旨查照雍正八年和親王赴

闕里告祭之例行知直隸總督遵辦奉

旨依議 又奏

皇太子於奉

旨冊立後應定儀制九條一

皇太子每十日率諸皇子皇孫恭請

聖安一次一

皇太子行走在諸皇子前坐次

皇太子正坐諸皇子傍坐凡遇令節及

皇太子慶日諸皇子於

皇太子前行三叩禮在

尚書房俱如家人常禮皇孫至皇元孫悉照現
行之禮一宗室王貝勒貝子公等遇令節及

皇太子慶日行六叩禮一

皇太子福晉應請

旨立為

皇太子妃班次在諸皇子福晉前

皇太子妃在

內庭主位前俱與常禮同公主諸皇子福晉見
皇太子妃與諸皇子見

皇太子禮同

皇太子之子行走在諸皇孫前

皇太子之女行走在諸皇孫女前一

皇太子移居

毓慶宮日及

皇太子慶日王大臣官員等俱蟒袍補服齊集

前星門行禮無庸具牋其外省督撫提鎮各員亦俱無庸慶賀一

皇太子移居

毓慶宮後於前星門派散秩大臣一員率領侍衛班領一員侍衛十員更番上值未經移居以前住居三所即照此值宿一會典內載

皇太子禮服用秋香色

臣等面奉

諭旨現在皇子禮服俱用金黃不必更改冠帶亦著

照舊理合遵照一會典內載

皇太子儀仗現遵

諭旨冊立典禮既未舉行其儀仗亦無庸製備謹擬
皇太子出入

內朝於現例所有導從侍衛二員外加派二員
並隨班輪派

乾清門侍衛二員導從出入如出外朝及城市
內外除皇子例隨散秩大臣一員侍衛十員
外添派

乾清門侍衛四員領侍衛內大臣一員帶領前
設虎鎗三對後設豹尾八桿並令步軍統領
衙門飭屬除避一

皇太子妃所乘車亦全黃色凡進城出城與

內庭主位同行一

皇太子暨

皇太子妃應得月費飯食分例等項均擬照現在
諸皇子皇子福晉應得分例加倍支領奉

旨知道了 十月初六日

皇太子千秋節豫期傳知各該衙門行慶賀禮屆

日

皇太子先詣

奉先殿行禮隨詣

皇上前行禮還

毓慶宮

御悖本殿受賀王貝勒貝子公文武大臣及文職
京堂翰詹科道以上武職三品以上俱蟒袍

補服齊集

前星門鴻臚寺官排班王貝勒貝子八分公等
於

惇本殿丹墀上序立不入八分公及一品文武
大臣等在丹墀下序立二三品堂官在

祥旭門外序立翰詹科道及文武三品等官在
前星門外序立恭候

皇太子升殿鴻臚寺官贊行二跪六叩禮禮成
皇太子還宮王公俱退出惟奉

旨派出入宴之王額駙大臣豫備

惇本殿入座

高宗純皇帝聖製詩

諏吉九月初三日宣諭建儲書事 乙卯

子蒙

吳蒼垂佑

列聖貽庥幸符初願得在位六十年茲近歸政之期
因十月朔日例頒耒歲時憲書爰諏吉九月初三
日宣諭建立皇太子以明年丙辰為嗣皇帝嘉慶
元年敬書長句用誌夙懷

歸政丙辰

天佑荷改元嘉慶憲書觀

祖孫兩世百廿紀繩繼十杖比似難弗事虛名收實

益建儲立嫡原以豫定國本三代以後自漢迄明雖行之若朕以為非則朕非讀書指古之人矣然考

之初建嫡嗣理宏親王為皇太子其後不免祇承皇祖

春顧我皇考即位之初親書朕名貯於乾清宮

正大光明高上並另書密緘帝以自隨實為千古至

善之制是以朕踐阼後當以皇次子為孝賢皇后

所生適皇考之例書名藏貯不意早年無祿嗣

於癸巳年南郊大祀敬以繼定儲嗣之名奏之

字得另簡元良以膺大寶又於盛京展謁敬書

太祖太宗是朕以社器為重雖不明立儲嗣而

於宗祐大計實為殊定特不效前代之務虛名而鮮
實益耳茲以歸政期近召皇子皇孫王公大臣等咸
視密紙立所定皇十五子嘉慶王為皇太子用昭付
之重至朕仰承 慈睿精神強固未至德勤歸
政後凡於用人行政及軍國大事宜肯竟執安遠
之不問仍慮躬親指教令嗣皇帝業承殊習豈非
家天下之大虞更為千古以 唯猶
未史冊所未有之盛事也

家法肅朝端古今惇史誠希見愧以為欣敬染翰
皇上御製詩

乾隆乙卯九月三日蒙

天恩晉封皇太子感激涕零成詩恭紀

天光下賁到 臣身秩晉青宮

恩命申一已愚衷頻戰栗千秋金鑑凜遵循謙恭作

則欽

先訓胞與為懷體

聖仁自愧凡材何以報趨庭昕夕待

君親